



册府元龟

卷之九百七十一
至三



1 3
849
312



門 4 3
849
312



册府元龜

淮南李嗣京叅閱

西極文翔鳳訂正

豫章黃國琦較釋

外臣部 一十六

朝貢第四

唐玄宗先天元年八月吐蕃遣使朝貢

九月突厥騎施守忠十月突厥汝隨金山十一月突

厥十姓十二月吐蕃新羅並遣使來朝

二年正月突厥二月新羅室韋吐蕃處月突厥焉耆

于闐六月南天竺新羅各遣使朝貢凡夷狄朝貢太上皇皆御門樓以見之

開元元年十二月靺鞨王子來朝奏曰臣請就市交易入寺禮拜許之林邑國王建多達摩遣使獻象五頭帝降書謂之曰卿國在海南遠通朝貢所獻方物深達欵誠今賜卿馬兩匹宜知朕意

二年二月突厥遣使阿史那鞠來朝帝御承天門見之是月拂涅靺鞨首領失異蒙越喜大首領烏施可蒙鐵利部落大首領闕許離等來朝新羅遣使級食朴裕來賀正

八月西天竺國遣使獻方物

二年二月天竺國使翟曇惠感來獻方物六月林邑國遣使來朝

四年三月佛誓國遣使朝貢新羅遣其臣金楓厚來賀正

七月大食國黑密牟尼蘇利漫遣使上表獻金線織袍寶裝玉灑池瓶各一

一云開元初進各寶鈿帶等方物

閏十二月東蕃遠蕃靺鞨部落佛涅部勃律國皆遣大首領來朝

五年三月拂涅靺鞨勃律新羅安國並遣使獻方物

康國王遣使獻毛錦青黛

五月真臘文單新羅靺鞨中天竺國並遣使來朝并

獻方物

六月突騎施遣使獻橐駝及馬降書謂曰卿遠貢忠

信詣獻馳馬朕玄默為神澹泊為德稅彼部落則有

勞費已勅所司不令輒受深領厚意宜體予懷是月

習阿薛般國王安殺遣使朝貢于闐國遣使獻打球

馬兩匹風脚野駝一頭狃一頭

七月突厥遣使獻馬

十月日本國遣使朝貢命通事舍人就鴻臚宣慰

六年二月契丹新羅米國石靺鞨錢利靺鞨涅蕃守並

遣使來朝

四月米國王遣使獻拓壁舞筵及鑰是年康國遣使

貢獻鎖子甲水精盃瑪瑙瓶駝鳥卵及越諾之類

書月

七年正月奚王李大酺及新羅國並遣使來賀正突

騎施訶車鼻施啜蘇祿笄波斯國並遣使朝貢石拂

林國王遣吐火羅國大首領獻獅子二零羊二拂涅

靺鞨鐵利靺鞨越嘉靺鞨並遣使來朝

二月波斯國奚拂涅靺鞨三月安國並遣使獻方物

四月契丹松漠都督李婆固遣使獻馬十四匹九姓同
羅都督末吸曳遣使獻野馬騰皮甲吐火羅葉護及
俱密國並遣使朝貢已卯訶毗施國捺塞使吐火羅
大首領羅摩娑羅獻師子及五色鸚鵡帝以其遠蕃
脩貢加宴勞賜錦綵五百疋

五月俱密國遣使獻胡旋女子及方物

六月大食國吐火羅國康國南天竺國遣使朝貢其
吐火羅國支汗那王帝賒上表獻解天文人大慕闍
其人智慧幽深問無不知伏乞天恩喚取慕闍親問
臣等事意及諸教法知其人如有如此之藝能望請令

其供奉并置一法堂依本教供養

七月佛律國蘇弗舍利遣使來朝謝冊立恩也波斯
國遣使朝貢

八月大拂涅靺鞨遣使獻鯨鯢魚睛貂鼠皮白兔
皮

八年正月中天竺國遣使來朝

二月蜀賓國遣使來朝進天文經一夾秘要方并蕃
藥等物

五月南天竺國遣使獻豹及五色鸚鵡問日鳥
六月吐火羅國遣使獻馬及驢

九月蜀賓國獻善馬謝颺國遣使來朝

十一月吐蕃使蘇和素董悉曩等來朝貢南天竺王遣使來朝

十二月吐蕃石國及謝颺國並遣使來朝貢

九年二月石國王遣使朝貢處密國遣使獻馳及馬

六月龜茲王白孝節遣獻馬及狗

十一月己酉渤海郡靺鞨大首領鐵利大首領拂涅大首領契丹蕃部將俱來朝並拜折衝放還蕃

十年正月癸卯朔帝御含元殿受朝賀是日諸蕃國各獻方物

七月丹州獻朱鬘白馬

十月乙巳新羅遣大奈麻合白壹來賀正并獻方物
越嘉遣首領茂利蒙來朝并獻方物波斯國遣使獻

獅子

十一月渤海遣其大臣味勃計來朝並獻鷹

十一年四月新羅王金興光遣使獻果下馬一匹及牛黃人參頭髮朝霞細魚牙細鏤鷹鈴海豹皮金銀等興光上言曰臣鄉居海曲地處遐陬元無泉客之珍本乏賔人之貨敢將方產之物塵躡天宮驚塞之才滓穢龍廡竊方燕豕敢類楚雞深覺覩顏彌增戰

汗

十二年二月契丹遣使湟禮來賀正并獻方物奚遣大首領李奚奴等十人渤海靺鞨遣其臣賀作慶新羅遣其臣金武勳勃律遣大首領蘇磨羅來賀正各賜帛五十匹放還蕃

三月大食遣使獻馬及龍腦香識匿國王遣使獻馬及金精契丹遣使來朝且謝恩往歲契丹使木據離奉國信歸蕃是以來也

四月康國王烏勒遣使獻侏儒一人馬狗各二

五月松漠府契丹遣使來朝饒樂府奚遣使獻麝香

七月吐火羅國遣使獻胡藥乾陀婆羅等三百餘品尸利佛誓國王遣使俱摩羅獻侏儒二人價着女人雜樂人一部及五色鸚鵡授摩羅折衝賜帛百疋放還蕃

十二月越喜靺鞨遣使破支蒙來賀正并獻方物突厥遣使裴羅嚟來朝堅昆遣使獻馬契丹遣使獻馬契丹新羅王金興光遣使獻方物

閏十二月突厥遣其大臣阿史德職泥孰來朝

十三年正月契丹遣使渤海遣大首領烏借芝蒙黑水靺鞨遣其將五郎子大食遣其將蘇黎等十三人

並來賀正旦獻方物

三月大食國遣使蘇黎滿等十三人獻方物

又云獻馬及毛

錦識匿國遣使獻馬

七月室韋遣使來朝丁未中天竺國遣使來朝

是年契丹遣其臣可突于朝貢方物

十四年正月突厥遣其大臣臨河達于康思琮來朝

契丹遣其臣邵固來朝突騎施可汗遣首領阿句支

來獻馬

二月安國遣使獻豹雄雌各一突厥遣使執火頡利

發等三百餘人來賀封山

四月新羅遣使金忠臣來賀正契丹遣大首領李闢等六人來朝

五月安國王波婆提遣其弟可悉爛達于拂耽發黎

來朝獻馬及豹新羅遣使其弟金欽質來朝突厥遣

其大臣臨河達于康思琮來朝

七月契丹部落刺史出利縣令蘇固多等來朝

十一月吐火羅國遣使來朝突厥遣其大臣梅錄啜

來朝渤海靺鞨王遣其子義信來朝并獻方物奚遣

使阿布高來朝康國王遣使獻豹及方物

十五年正月新羅遣使來賀正

五月康國獻胡旋女子及豹史國獻胡旋女子及蒲
萄酒安國獻馬

七月突厥骨吐祿遣使獻馬及波斯錦史國王阿忽
必多遣使獻胡旋女子及豹

八月渤海王遣其弟大寶方來朝

九月突厥毗伽可汗遣其大臣梅錄啜來朝

十月識匿國遣使賀正靺鞨遣使來朝并獻方物

四月護密國王遣米國大首領米忽汗來朝且獻方

物

十一月拂誓國王遣使獻五色鸚鵡米國王遣獻獅

于是年新羅國遣使來獻方物

十七年正月米使獻胡旋女子三人及豹獅子各一

骨咄俟斤遣男骨都施來朝獻馬二匹

二月渤海靺鞨遣使獻鷹是月渤海靺鞨遣使獻鯨

魚

三月護密國大首領烏鶻達干來朝

六月北天竺國三藏沙門僧密多獻質汗等藥

七月吐火羅使僧難陀獻須那伽帝釋麥等藥

九月大食國遣使來朝且獻方物

十八年正月波斯王子繼忽婆來朝獻香藥犀五等

吐蕃靺鞨遣其弟大郎雅來朝賀正獻方物波斯國王及新羅國王各遣使來朝賀正

二月突厥遣使哥解骨支車鼻頡斤來獻方物渤海靺鞨大首領遣使知蒙來朝且獻方物馬三十匹四月米國石國吐蕃突厥各遣使來朝貢

五月渤海靺鞨遣使烏那達初來朝獻海豹皮五張豹鼠皮三張瑪瑙盃一馬三十匹契丹遣使獻馬十二匹吐火羅僧難隨來朝貢獻瑞麥香藥等黑水靺鞨遣使阿布科思來朝獻方物

九月靺鞨新羅國並遣使朝貢

十月吐蕃遣其大臣各悉獵獻方物

十一月契丹奚中天竺國並遣使朝貢

十二月吐蕃贊普遣其臣諾勃藏來朝貢獻方物

十九年二月室韋渤海靺鞨新並遣使來賀正

八月吐蕃遣其國相論尚他禿來朝命鴻臚少卿李祺至界首宣勞申命中官路次宣慰

十月中天竺國王伊沙伏磨遣其臣大德僧勃達信來朝且獻方物林邑國獻象四突厥遣其大臣蘇農出邏達干等二十四人來朝領西室韋遣使來朝渤海靺鞨王遣其大姓取珍等百二十來朝

二十年正月王子奚歸義王遣其首領細蘇等來朝
新羅奚並遣使賀正

七月庚子突厥可汗堂弟何支監捺來朝

九月波斯王遣首領潘那密與大德僧及烈朝貢

二十一年二月骨咄王頡利發遣使獻馬并女樂

三月可汗那王易米施遣使獻馬突厥遣使新斯壁

紆思鮮闕等十六人來朝

閏三月勃律國王及謹怛遣使大首領察卓那斯磨
沒勝來朝謝册立之恩

四月突厥大使烏鶻達干來朝

八月日本國朝賀使真人廣成與儉從五百九十舟
行遇風飄至蘇州刺史錢惟正以閏詔通書舍人韋
景先往蘇州宣慰焉是月骨咄王遣大首領如達干
來朝

九月突厥遣其大臣牟伽伊難達干等十三人來朝

十二月可汗那王易米施遣使首領婆延達干大食

國王遣首領摩思覽達干等來朝

二十二年正月吐蕃遣使來朝

四月日本國遣使來朝獻美濃絁二百匹水織絁二
百疋突厥遣其大臣斯璧紆思鮮闕來朝西南蠻大

酋率蒙歸義遣使獻口麝香牛黃新羅王興光遣其大臣金喘竭丹來賀正先時興光遣其姪志廉謝恩獻小馬兩匹狗三頭金百兩銀二千兩布六十疋牛黃二十兩人參二百斤頭髮一百兩海豹皮一十六張及是授志廉鴻臚少卿員外置

六月林邑國遣使獻沉香

二十三年正月突厥哥解骨支車臯施頡斤來朝新羅遣使金義忠等來賀正

二月吐蕃贊普遣其臣悉諾勃藏來賀正貢獻方物兼以銀器遣宰臣侍中裴耀卿中書令張九齡禮部

尚書平章事李林甫等奏曰臣等忝職樞近不合輒受吐蕃餉方物並望勅鴻臚進內帝不從

三月日本國遣使獻方物渤海靺鞨王遣其弟蕃來朝

八月鐵利部落拂涅部落越喜部落俱遣使來朝獻方物林邑國遣使獻馴象

九月辛巳吐火羅國十二月新羅並遣使來獻方物林邑國遣使獻白象

二十四年正月吐蕃遣使貢獻方物金銀器玩數百事皆形制奇異帝令列於提象門外以示百僚

六月新羅王金興光遣使賀獻表曰伏奉恩勅溟江以南宜令新羅安置臣生居海裔沐化聖朝雖丹素爲心而功無可效以忠正爲事而勞不足賞陛下降雨露之恩發日月之詔錫臣土境廣臣邑居遂使墾闢有期農桑得所臣奉絲綸之旨荷榮寵之深粉骨糜身無繇上答

九月越喜靺鞨遣獻方物

二十五年正月焉耆大首領龍長安牂柯大酋長趙君道渤海靺鞨大首領木智蒙來朝波斯王子繼忽

浚來朝

二月新羅遣使沙食金抱質突厥遣使歌解骨支車

皇頃斤並來朝賀正且獻方物

四月渤海遣其臣公伯計來獻鷹鵠東天竺國三藏大德僧達摩戰來獻胡藥卑斯比支等及新呪法梵本雜經論持國論占星記梵本諸方

十二月新羅國王金承慶遣使獻方物吐蕃遣其大臣屬盧論莽藏來朝且獻方物

二十六年正月吐火羅國遣大首領伊難如達干羅底睪來獻方物

三月新羅使其大臣金元玄來賀正

閏八月渤海靺鞨遣使獻豹鼠皮二千張乾文魚一

百廿本
二十七年二月渤海王遣使獻鷹又拂涅靺鞨遣使
獻方物

四月拔汗那王阿悉爛達于使國王斯謹提突騎施
大將索侯斤並遣使獻表起居備式

十月渤海遣使其臣受福子來謝恩
二十八年二月越喜靺鞨其臣野古利來獻方物鐵

利靺鞨遣其臣綿度戶來獻方物牂牁大首長遣使
獻鴈

三月骨吐國遣使首領博勒達于刺勿來朝命有司
享之

十月渤海靺鞨遣使獻貂鼠皮昆布安國遣使獻寶
牀子及駝鳥卵盃康國遣使獻寶香爐及白玉環瑪

瑙水精眼藥瓶子

二十九年正月拔汗那王遣使獻馬

二月渤海靺鞨遣其臣失阿利越喜靺鞨遣其部落
與舍利黑水靺鞨遣其臣阿布利稽

三月拂涅靺鞨遣首領那奔勃史國王斯謹提遣首
領勃帝米施拔汗那王遣首領阿解支達于恩伽並

來朝賀正具獻方物突厥遣使首領伊難如來賀正
且獻方物上表曰頂禮天可汗禮諸天奴身曾祖已
來向天可汗忠赤每徵發爲國出力今新年獻月伏
願天可汗壽命延長天下一統所有背恩逆賊奴身
共拔汗那王盡力枝敵如有歸附之奴卽和好今謹
令大首領伊難如拜賀又吐羅遣使三來朝賀正願
梨生瑪瑙生金精及質汗等藥中天竺王子李承恩
來朝

四月渤海靺鞨遣使進鷹及鵲

八月吐蕃普遣使獻方物

十二月女子王國趙叟夫及拂誓國王喃國王各遣
其子來朝具獻方物

天寶元年三月曹國王哥邏僕羅石闍王特勒並遣
使獻馬及方物

五月拂菻國王遣大德僧新羅王並遣使來朝

十月拔悉密可汗使大首領來朝

二年正月契丹刺史八十人并來朝

二月解蘇國王阿德悉遣大首領車臯施達工羅頓
殺等二十人來朝且獻方物

九月安西黑姓可汗骨咄祿毗伽遣使獻方物

十二月石國王特勒遣女婿康國大首領康染顛獻
物

三年閏二月新羅遣使拔汗那王阿悉爛達干遣大
首領並來賀正并獻方物

三月安國王屈底波遣大首領來朝并獻方物

四月新羅七月大食國康國史國西曹國米國謝廳
國吐火羅國突騎施石國並遣使獻馬及寶

十二月新羅王遣弟來賀正

四載二月黃頭室韋三月謝廳吐火羅波斯俱訶蘭
國並遣使獻方物蜀賓國遣使獻波斯錦舞筵

四月新羅五月大食合麼國七月石國王特勒安國
王屈底波並遣使來朝貢

七月安國王屈底波遣使朝貢又小勃律遣僧大德
三藏伽羅密多來朝

九月九姓使回紇大首領頓啜邏達三哥哥羅祿使
首領併並來朝寧遠國奉化王特進驃騎大將軍拔
汗那王阿悉爛達干遣使來賀正

五載正月師子國王尸邏迷伽遣婆羅門僧薩頂三
藏阿日伽跋折羅來朝獻鈿金寶瓔珞及貝葉梵寫
大般若經一部細白氈四十張

二月新羅王金憲英遣使來賀正兼獻方物

三月渤海遣使來賀正石國王遣使來朝并獻馬十

五匹施拔斯單國王遣使來朝獻馬四十匹石國副

王伊捺吐屯屈遣使獻方物

四月拔密國遣使朝貢

七月波斯遣呼慈國大城主李波達僕獻犀牛及象

各一

十月南郡骨咄王遣使獻馬十五匹三葛邏祿苾伽

葉頓護阿波移徙啜遣使朝貢

閏十月施拔斯單國王忽魯汗遣使獻千年棗突騎

施石國史國米國罽賓國各遣使來朝獻繡舞筵

毘紅鹽黑鹽白戎鹽餘甘子質汗千金藤瑠璃金銀

等物

十一月威遠國遣使朝貢

去載正月新羅渤海龜茲于闐焉耆牂牁雜姓平蠻

黃頭室韋黑水靺鞨並遣使來賀正各獻方物

四月突厥九姓獻馬一百五十疋堅昆獻馬九十八

匹波斯遣使獻瑪瑙床

五月大食國王遣使獻豹六波斯國王遣使獻豹四

石國王遣使獻馬

六月戊午突騎施遣使朝貢

十二月九姓堅昆及室韋獻馬六十匹令西受降城使印而納之

七載正月黃頭室韋和解室韋賂丹室韋如者室韋黑水靺鞨等並遣使朝貢勃律歸仁國王遣使獻金花

二月西南蠻雲南土蒙歸義遣使賀正

三月黑水靺鞨黃頭室韋和解室韋如者室韋賂丹室韋並遣使獻金銀及六十縑布魚牙紬朝霞紬牛黃頭髮人參于闐焉耆龜茲牂牁並遣使賀正且獻

方物

六月蘇頡利發屋蘭國王婆鉢阿越多遣使獻馬及方物蜀賓國悒恒國並遣使朝貢林邑國遣使來朝并獻象牙花氎

八載正月奚遣使賀正

三月渤海遣使獻鷹

四月吐火羅國遣使獻馬

八月十姓突騎施遣使來朝寧遠國王子屋磨來朝石國王子遠恩來朝

九月林邑國城主盧隋遣使來朝獻珍珠一百條黑

沉香三十斤鮮白氎二十雙

十月九姓勃曳固大毗伽都督默每十人來朝

十一月突騎施遣使賀正并獻方物寧遠國奉化王

阿悉爛達于遣使賀正

九載正月黑水靺鞨黃頭室韋並遣使賀正骨咄國

王羅全節遣大首領鶻汗達于來朝獻口四十三胡

馬三十匹康國王咄謁遣大首領未野門獻馬十匹

及方物安國王屈底波遣使來朝獻馬一百匹

三月渤海遣使獻鷹獅子國獻象牙真珠北邑國獻

象牙真珠白花氎

四月波斯獻大毛繡舞延長毛繡舞延舞孔真珠

六月契丹遣使謝恩真臈國遣使獻犀牛

十載二月寧遠國奉化王阿悉爛達于遣使獻馬二

十二匹及豹天狗各一俱密國王伊悉闕俟斤遣使

獻胡馬二十六匹

九月波斯蘇利悉單國火尋國康國安國俱密國並

遣使朝貢寧遠國奉化王阿悉爛達于遣使獻馬二

十匹是月又獻馬四十匹

十月辛未九姓迴鶻遣首領伊難知來朝

十一載三月三葛邏祿使來朝

八月迴鶻遣使來朝歸仁國遣使朝貢

十一月三葛邏祿遣使來朝黑水羯遣使來朝

十二月黑水大食謝多訶蜜遣使來朝舍磨國寧遠國並遣使來朝康國遣使朝貢

十二載正月踈勒首領攝耀建州司馬裴國良金州首領阿滿兒裼車臯施並來賀正

三月蜀賓國謝颶國歸仁國黑衣大食並遣使獻方物牂牁踈勒日本等國渤海並遣使賀正

四月三葛祿遣使來朝凡一百三十人分爲四隊相繼而入各授官賞恣其請求皆令滿望黑衣大食遣

使來朝

五月大尋國遣使獻紫鑿皮白生石密黑鹽

六月日本國遣使來朝

七月東蠻八月寧遠國王安國新城王芬建城王吐火羅葉護等國並遣使朝貢

九月文單國王子率其屬二十六人來朝

十二月護密國遣使朝貢黑衣遣使獻馬三十匹葛邏祿及石國遣獻方物

十三載正月渤海遣使賀正

四月寧遠國及九姓迴紇米國突騎施黑姓可汗及

黑衣大食吐火羅石汗那俱位國並遣使來朝

九月寧遠奉化王遣使獻胡馬及方物是年康國遣

使朝貢

十四載三月康國副王火尋國王稍芬曹國王設阿

忽並遣使朝貢

四月新羅突騎施並遣使賀正

六月日本國七月黑衣并遣使貢獻

八月歸仁國王遣使謝恩

十五載七月黑衣大食遣大酋望二十五人來朝

肅宗至德初大食國遣使朝貢

三年正月護密國王使大首領羅友文來朝

乾元元年五月壬申朔廻紇使多乙亥阿波八十人

黑衣大食酋長闕文等六人並朝見至閣門爭長通

事舍人乃分左右從東西門並入文涉施黑衣大食

使來朝見

六月辛丑朔吐火羅葉護使烏利多康國長史康忠

義劍南蠻酋段秦生並來朝是年罽賓國遣使朝貢

二年三月寧遠國使烏物安國使安莫純瑟並來朝

八月十姓可汗使來朝十姓突騎施黑姓可汗阿多

裴羅等并波斯進物使李摩日夜等及寧遠國使葛

等來朝

三年正月奚王主羅遣大首領上階將軍等十二人來朝

上元元年九月迴紇使二十人於延英殿通謁
十月迴紇使近支伽裴羅等七人於延英殿朝見
十二月白衣使婆謁使等十八人於延英殿會

元龜

冊府元龜

淮南李嗣京參閱

西極文翔鳳訂正

豫章黃國琦較釋

外臣部 一十七

朝貢第五

唐肅宗寶應元年五月戊申迴紇吐蕃黑衣大食等

國六月寧遠吐蕃獅子波斯等國八月奚契丹寧遠

國九月波斯新羅十二月黑衣大食尋寧遠石圖並

遣使朝貢

永泰元年冬迴紇首領胡祿都督弟二百餘人自涇陽來朝

二年三月新羅王金獻英遣使朝貢

四月迴紇遣首領密悉吉等及牙帳一百人來朝

大曆二年七月吐蕃及渤海並遣使來朝

八月契丹渤海九月靺鞨渤海室韋十月迴紇十一

月渤海迴紇吐蕃十二月迴紇渤海契丹室韋等國

各遣使朝貢

是年新羅王金乾運遣其臣金隱居奉表入朝貢方

物

三年七月迴紇九月新羅十一月訶陵國遣使朝貢

四年正月牂牁訶陵黑衣大食二月牂牁三月渤海

靺鞨十二月迴紇吐蕃契丹奚室韋渤海訶陵並遣

使朝貢

六年九月波斯國遣使獻真珠琥珀等

十月迴紇遣使來朝

十一月奚契丹並遣使來朝

七年五月新羅十二月迴紇吐蕃大食渤海靺鞨室

韋契丹奚牂牁康國米國九姓等各遣使朝貢

八年四月渤海遣使來朝并獻方物迴紇遣使阿德

俱裴羅來朝引見于石銀臺門新羅遣使賀正見于延英殿并獻金銀牛黃魚牙紬朝霞紬等方物

六月廻紇遣使羅仙闕等來朝引見於石銀臺門渤海遣使賀正新羅遣使謝恩並引見於延英殿

十一月渤海遣使朝貢

閏十一月渤海室韋並遣使來朝廻紇使散文赤心裴羅達干等還蕃引辭于銀臺門

十二月渤海室韋并荆並遣使來朝奚契丹渤海靺鞨並遣使朝貢

九年正月室韋渤海並來朝

三月廻紇遣使裴羅達干來朝

四月廻紇使裴羅達干還蕃引辭於延英殿新羅遣使朝貢

六月吐蕃遣使來朝

七月廻紇遣使骨咄祿梅還達干等來朝並進馬四十四匹黑衣大食吐蕃並遣使來朝

十月廻紇遣使來朝見於銀臺門新羅遣使賀正見於延英殿

十二月奚契丹渤海室韋靺鞨遣使來朝

十年正月渤海契丹奚室韋靺鞨新羅五月渤海六

月新羅渤海十二月渤海奚契丹室韋靺鞨各遣使

朝貢

十一年七月新羅遣使來朝且獻方物

十月新羅遣使朝貢

十二年正月牂牁遣使來賀正渤海遣使來朝并獻

日本國舞女十一人及方物

二月渤海遣使獻鷹

四月牂牁渤海奚契丹室韋靺鞨六月契丹八月契丹

十二月新羅渤海靺鞨室韋奚契丹並遣使來朝各

獻方物

十三年正月日本國遣使朝貢

德宗建中元年二月日本國七月東蠻烏蠻守愈等

十月渤海並遣使朝貢

三年閏正月新羅牂牁國五月渤海國並遣使朝

貢

貞元四年四月東蠻鬼主驃旁等來朝先是東蠻自

陷雋州後臣於吐蕃絕朝貢者二十餘年至是劍南

節度韋臯招誘之始棄吐蕃內附

五月壬申迴紇遣使來朝

六年二月迴鶻三月牂牁並遣使朝貢

七年正月迴鶻大首領史勃羨渤海黑衣大食五月迴鶻九月契丹並遣使來朝

八年四月迴鶻五月迴鶻閏十二月牂牁靺鞨皆遣使朝貢是月室韋都督和解熱素等來朝至長城南

九年九月迴鶻遣使朝貢契丹遣使來朝十月環王國獻犀牛帝令見於太廟

十二月室韋大都督阿朱等三十人來朝貢是年契丹遣使來朝

十年契丹遣使來朝是年南詔王遣使蒙湊羅棟等來獻鐸槩浪人劍及吐蕃印八綃

十一年二月迴鶻遣使來朝

九月南詔異牟尋遣使獻馬六十疋

是年契丹大首領熱蘇二十五人來朝

十二年十二月女國湯立志歌隣國王董利羅弱水

國王董和通租國王弟鄧吉知并大首領等並赴元

正朝會迴紇并南詔蠻遣使朝貢

十四年十二月南詔異牟尋遣首望大將軍王丘各

等朝賀元正各獻方物

十七年奚梅落索低契丹烏鬼牂牁謝懷珠皆見

十八年正月驃國王始遣其弟悉利夷來朝獻其國

樂凡十曲與樂工三十五人來朝樂曲皆演釋氏經論之詞意是月南詔使來朝虞婁越喜等首欽見

二十年十一月渤海新羅遣使來朝

十二月南詔蠻彌臣國日本吐蕃並遣使來朝貢

又云

吐蕃遣河南觀察使論乞州及僧南撥時計波等五十四人來朝

順宗即位初吐蕃使論悉諾等來朝獻方物

憲宗以承貞元年即位十一月南蠻及昆明牂牁並

遣使來朝

元和元年閏六月吐蕃八月新羅南詔蠻十月迴鶻

十二月迴鶻契丹渤海牂牁南詔驃國各遣使朝貢

二年十二月吐蕃迴鶻奚契丹渤海牂牁南詔並遣

使朝貢

三年新羅王金重興遣使金力奇來朝

四年十二月南詔牂牁昆明皆遣使朝貢

五年正月渤海遣使高才南等來朝

十月新羅王遣其子來獻金銀佛像及佛經幡等上

言為順宗祚福並貢方物

十一月奚契丹並遣使朝貢渤海王遣于大延真等

來獻方物

十二月牂牁南詔並遣使朝貢

七年二月吐蕃遣使朝貢

四月新羅賀正兼告哀使金昌男等五十四人朝見

是年渤海亦遣使來南詔遣使朝貢

八年十一月契丹達干可葛等二十九人朝貢

十二月群州刺史謝稱渤海王子辛文德等九十七

人來朝是年真臘國遣使李摩那等來朝

九年正月渤海使高禮進等三十七人朝貢獻金銀

佛像各一王金重典並金八

九月真臘國遣使朝貢

十一月渤海遣使獻鷹鵠迴鵠使醫德密施等三十

七人來朝契丹大首領梅落鵠劣來朝

十二月渤海遣使大孝真等五十九人來朝

十年七月渤海王子大庭俊等一百一人二月黑水

酋長十一人並來朝貢

八月訶陵國遣使獻金抵僮及五色鸚鵡鵝伽鳥并

異香名寶

十一月契丹南詔蠻並遣使朝貢

十一年正月奚首領來朝獻名馬

爾後每歲朝貢不絕或二三至其事

歲朝貢嘗數百人至幽州則選其酋渠三五十赴闕引於麟德殿錫以金帛遣還余皆駐而飯之率為嘗

是月迴鵠遣使朝貢

二月迴鶻使獻橐駝及馬三月渤海靺鞨十一月契丹渤海十二月南詔牂牁昆明國並遣使朝貢

十二年二月渤海三月新羅遣使朝貢

四月吐蕃使論乞髯獻馬十匹玉腰帶二條金器十事羗牛一十二月南詔吳丹首領介落等朝貢

十三年四月高麗國進樂器及樂工兩部是年訶陵國遣使進僧着女二人鸚鵡玳瑁及生犀等

十五年閏正月渤海十月閣婆十一月新羅並遣使朝貢十二月渤海復遣使朝貢是年南詔遣使來朝詔自十二年至是比歲遣使來朝或年內二三至者

穆宗長慶二年正月渤海三月迴鶻六月吐蕃並遣使朝貢

十月迴紇使者僕固昌獻其國信四床女口六人葛祿口四人

十二月迴鶻吐蕃新羅契丹奚牂牁並遣使朝貢

三年九月南詔王兵佺進其國信金碧文祿十有六品

四年二月吐蕃渤海遣使朝貢

十月吐蕃貢犛牛等又獻鑄成銀犀牛羊鹿各一

十二月迴鶻吐蕃奚契丹並遣使朝貢

敬宗寶曆元年三月吐蕃渤海七月迴鶻十月迴鶻

十二月迴鶻奚契丹並遣使朝貢

二年正月南詔室韋渤海牂牁三月昆明並遣使朝

貢

文宗太和元年四月渤海遣使來朝

八月吐蕃使論壯大熱進國信金銀器玉腰帶及馬

等

三年十二月渤海新羅室韋契丹南詔皆遣使朝貢

四年十二月吐蕃迴鶻新羅渤海南詔蠻牂牁昆明

奚契丹並遣使朝貢

五年二月新羅王子金能儒並僧九人闍婆國朝貢

使李南呼祿等十七人並入朝

十一月吐蕃迴鶻奚契丹新羅渤海南詔牂牁並遣

使朝貢

六年三月渤海王子大明俊來朝

七年正月渤海王遣同中書右平章事高賞英來謝

策命

八年南詔遣使來朝

九年十二月契丹大首領介落等二十九入室卑大

都督阿朱等三十人奚大首領匿郎等並三十人來

開成元年二月黔南觀察使奏先是義州昆明部落
鬼主阿珮繼襲義州刺史朝貢不絕為明州牂牁所
阻遠今百餘年願歸王化詔曰且許今年內一度來

朝貢五月日南王與同中書門下平章事高貴炎來朝

十一月契丹大首領列環等三十一人來朝

十二月吐蕃廻鶻新羅渤海奚契丹牂牁南詔蠻昆
明各遣使朝貢韋室大都督阿朱等來朝

二年二月牂牁來朝八並八

十月廻鶻遣使朝貢金

十一月契丹遣使朝貢

十二月南詔及室韋朝貢

三年七月昆明差使朝貢

十二月日本國遣使朝貢進真珠絹

四年正月閩黎國遣使李南呼祿來朝貢

閏正月南詔廻鶻日本牂牁各遣使朝貢

十二月戊辰渤海王子大延廣契丹首領薩葛奚大

首領溫訥骨室常大都督秩虫等朝貢

五年南詔遣使朝貢

武宗會昌二年二月牂牁南平蠻結骨國遣使朝貢

室韋大首領執論等來朝

三年八月點戛斯遣使諦德伊斯難珠來朝

六年正月南詔契丹室韋渤海牂牁昆明等使並朝于宣政殿

宣宗大中七年四月日本國遣王子來朝獻寶器音樂帝謂宰執曰近者黃河清今又日本國來朝朕媿德薄何以堪之因賜百僚宴陳百戲以禮之

懿宗咸通末契丹王曰習爾之累來朝貢方物

梁太祖開平元年四月契丹首領袍笏梅老來朝貢方物

五月渤海王子大昭順貢海東物產契丹首領袍笏課哥梅老等來朝契丹久不通中華聞帝威聲乃率所部來貢三數年間頗獻名馬方物

二年正月吐蕃遣使唱來朝貢

二月契丹王阿保機遣使貢良馬方物

五月契丹國王阿保機遣使進良馬十匹金花鞍轡貂鼠皮頭冠并裘男口一名蘇年十歲女口一名譬年十二契丹王妻亦不進良馬一匹朝霞錦金花頭冠麝香前國王欽德亦進馬共國中節級各羗使進獻共三十一人表六封

三年三月渤海王大誣誤羗其相大誠諤朝貢進兒女口及物貂鼠皮熊皮等

五月賜廻紇朝貢使阿福引分物

閏八月鴻臚寺引進契丹阿保機差首領葛鹿等進金渡鐵甲金渡銀甲及水精玉裝鞍轡等物馬一百匹其阿保機冊妻各進雲霞錦一疋

四年正月邕州節度使葉廣略進如洪洞生獠鬻蠻一十人赴闕朝見前朝末道路梗塞遠夷進貢罕有至者帝卽位威略柔遠東南蠻貊相繼來庭

五年四月契丹王阿保機遣使實柳梅老朝貢

乾化元年八月渤海國遣使朝賀且獻方物

十二月帝御朝元殿以廻鶻吐蕃二大國首領入覲故也扇開所司道二首領與儵從等一百二十二人伏拜庭下卽各以其君長所上表及方物等陳而獻焉

二年五月渤海王大誣誤差王子大光贊景帝表并進方物

十月契丹蜀括梅老等朝貢

十一月廻鶻遣都督周易言等入朝進貢

後唐莊宗同光元年十一月新羅國王金朴英遣倉

部侍郎金樂錄事叅軍金幼卿朝貢賜物有差

十二月奚首領李紹威遣使朝貢

二年正月新羅王金朴英並本國泉州節度使王逢規遣使朝貢渤海王子大禹謨來朝貢

二月党項遣使朝貢

四月廻鶻都督李引釋迦副使田鐵林都監楊福安等六十六人陳方物稱本國權知可汗仁美在甘州差貢善馬九匹白玉一團是月沙州曹義進王三團礪砂羚羊角波斯錦茸褐白氎生黃金星罽等五月渤海國王大諲譔遣使姪元讓貢方物

六月新羅遣使朝散大夫倉部侍郎賜紫金岳來朝貢

九月黑水國遣使朝貢

十一月党項進白驢奚王李紹威進馳馬廻鶻都督安子想進玉團馳馬等

十二月党項薄備香來貢良馬其妻韓氏進馳馬

三年正月河西郡落折驕兒貢馳馬

二月河西郡族折文通貢馳馬熟吐渾李紹魯貢馳馬党項折願慶貢方物又突厥渾鮮樓貢方物渤海國王大諲譔遣使裴璆貢人參松子昆布黃明細布

貂鼠皮被一褥六髮靴革奴子二熟吐渾督赫連海龍貢羊馬

五月黑水胡獨鹿女貞等使朝貢契丹阿保機遣使搜鹿孟貢方物

十月奚吐渾突厥首領使人貢方物爲萬壽節高麗國遣使韋仲貢方物

四年正月達怛都督折文通貢駝馬迴鶻可汗阿咄欲遣都督程郡明貢馬

明宗天成元年四月渤海國王大諲譔遣使大陳林等一百一十六人朝貢進兒口女口各三人人參昆

布白附子及虎皮等

七月契丹國王遣梅老里述骨之進內官一人馬二匹地衣真珠裝金釧金釵等渤海使人大昭佐等六人朝貢

十月雲南雋州山後雨林百蠻都鬼主右武衛大將軍李卑晚遣大鬼主傳能阿花等來朝貢帝御文明殿對之百僚稱賀

二年正月突厥首領張慕晉來朝貢

二月新羅國使兵部侍郎張芬等來朝貢

四月新羅國康州遣使林彥來朝貢

八月昆明大鬼主羅殿王普露靜王九部落各差使若士等隨牂牁清州八郡刺史宋朝化等一百五十人來朝共進草豆蔻二萬顆朱沙五百兩黃蠟三百斤

九月河西党項如連山等來朝共進馬四十疋契丹差梅老沒骨已下進奉

十二月迴鶻西界吐蕃發使野利延孫等入貢蕃僧四人持蕃書兩封文字未詳

三年正月契丹使禿納梅老已下五十人進奉

二月吐渾都督李紹魯等進馬一百二十四匹迴鶻知

權可汗仁裕遣都督李阿山等十八人入貢

四月達怛使人朝貢

閏八月契丹使梅老季吐蕃迴紇等使各貢奉

九月吐蕃遣使朝貢

十一月吐渾念九等共進馬五十三疋党項吐蕃相

次朝貢

十二月迴鶻差使朝貢

四年四月契丹差使撩括梅里等朝貢

五月渤海遣使高正詞入朝貢方物

六月故奚王男素姑進其父鞍馬衣甲器械

八月黑水遣使骨至來朝兼貢方物吐渾首領念公
山念坦相次來朝貢党項折遇明等來貢方物高麗
國王王建遣使廣平侍郎張芬等五十三人來朝貢
銀香獅子香爐金裝銀鏤雲星刀劍馬突金銀鷹韜
韜鞞鈴錦扇腰白紵白氎頭髮人參香油銀鏤剪刀
鉗鈇松子等

九月党項折文通進馬西京府蕃官撥心吐蕃首領
撥里忙布蘭瓊等並來朝生吐渾北海兒進馳馬
十月達怛首領張十三朝党項首領來有行進馬四
十疋

長興元年二月黑水兀兒遣使貢方物

四月吐蕃首領干撥葛進犛牛二頭

五月迴鶻孽栗祖等來朝貢迴鶻國使安黑連來朝
貢又迴鶻可汗仁裕遣使來貢方物

六月契苾指揮使李骨西等來朝

八月吐渾康合畢來貢馳馬

九月河西蕃官姚東山吐蕃首領王滿儒等三十人
進馬八十疋玉一團沙州曹義金進馬四百疋玉一
團

二年正月河西党項折七移等進馳馬東丹王突欲

進馬十疋羶帳及諸方物又進本國印三面宣示宰
臣達怛列六薩娘居等進馬

二月突厥首領壯阿熱吐渾康萬琳各進馬

八月契丹遣使邪姑兒朝貢

十月西涼府審官撥心等朝貢

十一月党項達怛阿屬朱並來朝貢

十二月西涼府及迴鶻使安末思渤海使文成角並
來朝貢党項首領來進所奪得契丹旗并馬

三年正月契丹遣使拽骨等來朝渤海迴鶻順化可
汗等吐蕃各遣使朝貢涼州奏將吏有狀請朝廷命

師兼進方物沙州進馬七十五疋玉三十六圍

二月吐蕃遣首領野利閻心等朝貢是月契丹穆順

義先是遣還本國迴進馬三疋及方物藥

三月契丹遣使都督起阿鉢等一百一十人進馬一

百疋及方物達怛嘗葛蘇進馬十疋及方物又契丹

遣使鐵葛羅卿獻馬三十疋高麗國遣使大相王儒

朝貢

四月新羅國權知本國王金溥遣使執事侍郎金臚
貢方物

八月吐蕃遣使朝貢見於端明殿帝問本蕃牙帳去

京師遠近對曰涇州西二千里比年阻大水朝貢後時

九月契丹國遣使都督述祿卿進馬四十疋

四年五月契丹遣使朝貢

七月迴鶻都督李未等三十一人進白鶻一聯勅禮賓使解絲放之

十一月吐蕃遣使來貢奚首領李素姑來朝貢

閏帝應順元年正月契丹遣都督沒辣來朝獻馬四百驄十羊二千先是遣供奉官四方璟入契丹復命故有是獻

是月沙州瓜州遣牙將各以方物朝貢迴鶻可汗仁

美遣使獻故可汗仁裕遺留貢物鞍馬器械仁美獻

馬二團玉鞞轡礪砂羚羊角波斯寶縹玉帶

廢帝清泰元年八月青州言高麗入貢使金吉船至岸北京言契丹遣使達怛朝貢部送京師是月達怛首領没干越等入朝貢羊馬

二年正月生吐渾首領姚胡入朝獻馬

四月新州言党項拓跋黑連欲入朝貢奉從之

六月詔邠涇鄜耀四州兵應接迴鶻出州入貢

七月迴鶻可汗仁美遣都督陳福海而下七十八人

獻馬三百六十疋玉二十團白氍斜褐犂牛尾祿野馬皮野駝峰沙州刺史曹義金涼州留後李文謙各獻馬三疋瓜州刺史慕容歸盈獻馬五十疋

十月高麗國王王建遣使入朝貢方物

十一月渤海遣使列周義入朝貢方物

十二月高麗遣使禮賓卿邢順等來朝貢

三年正月百濟國遣使入朝貢方物高麗遣使王子大相王規等來貢方物

晉高祖天福二年六月契丹使夷離畢進馬二百疋人參貂鼠皮走馬木碗等物

三年三月可汗迴鶻王仁美進野馬獨峯駝玉轡頭

大鵬砂硃砂臘肺臍金剛鑽羚羊角白貂鼠皮安西

絲白氍布犂牛尾野駝峯等物

九月于闐國王李聖文遣使馬繼榮進玉團白氍布

犂牛尾紅鹽鬱金硃砂大鵬砂玉裝鞦轡鞞鞞鞞

手亦迴鶻可汗又遣使李萬金進馬一百疋駝十二

頭

十月迴鶻遣使都督李萬金等朝貢

四年三月迴鶻都督拽里敦來朝可汗仁美貢鏤劍

瑀音孚

王良馬百駟瑤桂

音法

寶轡舟鹽剌氍玉後獵台

貂鼠犖牛之尾駒駝之革

九月契丹使粘木孤來獻牛馬犬腊顛騃十駟高麗
王王建使廣評侍郎邢順等九十二人以方物來朝
十月罷延族吐蕃大首聶袞郎彝磨標昌訶兀羅只
袞等率屬朝貢

五年正月廻鶻可汗仁美遣都督石海金來朝貢良
馬百駟白玉百團謝册命也

十月契丹使舍利來聘致馬百匹及玉轡鏤鞍韁裘
弧矢組繡橐鞬等

六年五月吐渾大首領白承福及麾下念麗里赫連
功德來朝七月突厥遣使薛同海已下一十七人來
朝貢

九月吐渾遣首領白可久等一百一十八人朝貢
七年二月契丹遣使大卿已下三十一人來聘獻馬
及方物

三月吐渾使慕容金進已下十四人見進馬十匹
六月吐渾都督白承福遣指揮使念醜漢朝貢
少帝天福七年廻鶻都督來朝獻馬三百疋玉百團
玉帶一

八年七月壬午契丹廻圖使喬榮通郝在殷到闕各

進馬一疋

九月吐渾遣都督黑連功德副使白可久節度使白承福男鐵櫃高麗遣使王子太相王申一等來朝貢開運二年二月迴鶻可汗進玉團獅子玉鞍鬮破紅鹽野駝峰安西白氍毹臍臍大鵬破羚羊角犖牛尾貂鼠等物

十月高麗遣使廣評侍郎韓玄圭等來朝貢

漢隱帝乾祐元年五月迴鶻可汗遣使入貢獻馬一百二十疋玉鞍轡玉團七十三白氍毹二十七貂鼠皮二百二十六犖牛尾 百四十八玉韉鞮三百三

十四又羚羊角鬮破諸藥于闐國遣使朝貢

周太祖廣順元年二月西州迴鶻遣都督來朝貢玉大小六團一團碧琥珀九斤白氍布一千三百二十九段白褐二百八十段珊瑚六樹白貂鼠皮二千六百三十二黑貂鼠皮二百五十青貂鼠皮五百三舊貂鼠襖子四白玉環子碧玉環子各一鐵鏡二玉帶鉸具六十九玉帶一諸香藥稱是迴鶻遣使摩尼貢玉團七十七白氍毹段三百五十青及黑貂鼠皮共二十八玉帶玉鞍轡鉸具各一副犖牛尾四百二十四大琥珀二十顆紅鹽三百斤胡桐淚三百九十斤餘

藥物在數外

四月西域僧嚩囉朝貢

二年正月高麗權知國事王詔遣廣平侍郎徐逢等九十七人來朝貢

三月廻鶻遣使每與難支使副骨迪歷等十二人來朝貢玉團三珊瑚樹二十琥珀五十斤貂鼠皮毛褐白氎岑皮靴等

七月高麗僧思泰獻方物

三年正月廻鶻入朝使獨呈相溫貢白氎段七百七十三圍一珊瑚片七十

十一月西天僧薩滿多等十六族貢馬

世宗顯德元年二月廻鶻朝貢使以寶玉進上

五月廻鶻朝貢使因難狄略進方物

十月高麗國遣王子太相王融來貢方物

二年十一月高麗復遣本國廣評侍郎苟質來貢方物稱賀登極

三年二月廻鶻遣使貢方物

五年九月占城國王釋利因德漫遣其臣蕭訶散等來貢方物中有灑衣薔薇水一十五琉璃瓶言出自西域凡鮮華之衣以此水灑之則不黧而復郁烈之

香連歲不歇又進猛火油八十四琉璃瓶是油得水而愈熾彼國凡水戰則用之

六年正月高麗國王王昭遣使臣王子佐丞王兢佐尹皇甫魏光等來進名馬及織成衣襖弓劍器甲等女貞國遣使阿辨等來貢方物

二月迴鶻使貢方物

六月占城國進奉使蕭訶散以雲龍形通犀帶一條菩薩石一片上進

恭帝顯德六年八月高麗國遣使朝貢兼進別序孝經一卷越王孝經新義八卷皇靈孝經一卷孝經雌

圖二卷

十一月高麗復遣使貢銅五萬斤白永精各二千顆

西極文翔鳳訂正
豫章黃國詩較釋

外臣部 十八

助國討伐

忿驚香食以攻戰為業者夷狄之謂也故古先哲王
圖之以厚信驚之以威武長轡遠馭羈縻不絕而已
蓋乃皇靈所及惠澤遐暢草心而內衛風暴義或出
冊府元龜

... 而愈熾彼國先水戰則用之
... 正月高麗國王王昭遣使臣王子佐丞王兢佐
... 尹皇甫魏光等來進名馬及織成衣服弓劍器甲等
... 女貞國遣使臣許守來貢珍物
... 二月廻錫使貢珍物
... 六月占城國進奉使節前訶故以雲龍形通犀帶一條
... 子陸石一片上進
十一月高麗對對貢隆正薄代白水赫各二千兩
圖二卷

冊府元龜

淮南李嗣京參閱

西極文翔鳳訂正

豫章黃國琦較釋

外臣部 一十八

助國討伐

忿驚沓貪以攻戰為業者夷狄之謂也故古先哲王
懷之以恩信驚之以威武長轡遠馭羈縻不絕而已
至乃皇靈所及惠澤遐暢革心面內嚮風慕義或出
師於經綸之始或致騎於討伐之際或隣壤之亂資

之駟除狂寇之法亟往戡定或奏牘以明誠款或應募而效忠順或饗餽之師旅或鄉道乎國邑至有席和親之勢赴中原之難奮發義勇廊廟氛祲者焉詩曰食我桑椹懷我好音苟非慎德之至敷教之廣亦疇能感動殊類致其死力哉鼃錯有言曰以蠻夷攻蠻夷中國之形也斯王者撫御之畧可不務乎

周武王伐商羗髡率師會于牧野 書所謂微瀝彭濮是也

漢高祖初為漢王元年五月發夷選伐三秦秦地既定乃遣還巴中復其渠帥羅朴督鄂度夕龔七姓不輸租賦餘戶乃歲入寶錢口四十世號為版楯蠻夷

遂世世服至于中興郡守嘗率以征伐

四年八月漢王擊楚軍廣武北貉 莫客切 燕人來致梟

騎助漢 貉在東北方三韓之屬皆貉類也

武帝元鼎五年四月南越王相呂嘉反使馳義侯遺

遣越人降為馳義侯 別將巴蜀罪人發夜郎兵下牂牁江咸會

番禺遣兵未及下南越已下帝便令征西南夷平之天漢二年以匈奴降者界和王為開陵侯將樓蘭國

兵始擊車師

征和四年遣重合侯馬通將四萬騎擊匈奴道過車師北復遣開陵侯將樓蘭尉犁危須凡六國兵別擊

車師令得遮重合侯諸國兵共圍車師王降服臣屬昭帝始元五年秋太鴻臚田廣明擊平益州夷帝曰

鈞町侯亡波率其邑君長人民擊反者鈞音年于切町音大鼎切

斬首捕虜有功其立亡波為鈞町王

宣帝本始二年六月大發擊匈奴初昭帝末匈奴連

發大兵侵擊烏孫取車延惡師帝使使謂烏孫趣持

公主來武帝以宗室女妻烏孫也烏孫公主上書下公卿議救未

決會帝即位烏孫昆彌復上書言連為匈奴所侵削

昆彌願發國半精兵人馬五萬匹盡力擊匈奴唯天

子出兵哀救公主於是大發關東輕銳士選郡國吏

三百名伉健習騎射者皆從軍遣御史大夫田廣明

五將軍出塞及較尉嘗惠使獲發兵烏孫西域昆彌

自將翕侯以下五萬餘騎從西方入與五將軍兵凡

二十餘萬眾匈奴聞漢兵大出老弱奔走毆畜產遠

遁逃犇古奔字毆與駢同是以五將軍少所得嘗惠與烏孫兵

至右谷蠡庭獲單于父行行音胡浪切及嫂居次名王犁

汗都尉千長將以下三萬九千餘級虜馬牛羊驢羸

橐駝七十餘萬漢封惠為長羅侯然匈奴民眾死傷

而去者及畜產遠移死亡不可勝數於是匈奴遂衰

耗耗減也音呼到切

地節二年漢遣侍郎鄭吉較尉司馬熹將免刑罪人田渠犁積穀欲以攻車師至秋收穀吉熹發城郭諸國兵萬餘人自與所將屯田士千五百人共擊車師交河城破之

謂西城諸國為城郭者言不隨畜牧遷徙以別於匈奴

元康元年衛侯馮奉世使送大宛客即以節諭告諸國王因發其兵南北合萬五千人擊殺莎車王

元帝建昭二年西域副較尉陳湯矯制發城郭諸國兵車師戊巳較尉屯田吏士漢兵胡兵合四萬餘人擊鄯支單于斬之生虜百四十人降虜千餘人賦予城郭諸國所發十五

賦予謂班予之也所發十五王謂所發諸王之兵共圖鄯支王

也

後漢建武初氏人悉附後隗囂族人隗茂反殺武都太守氏人大豪齊鍾留為種類所敬信威服諸豪與郡丞孔奮擊茂破斬之

十八年夷渠帥棟蠶與諸種反十九年武威將軍劉尚發廣漢犍為蜀郡人及朱提夷合萬三千擊平之二十年南匈奴單于遣弟左賢王莫將兵萬餘人擊北單于弟薁鞬左賢王生獲之又破北單于帳下並得其衆合萬餘人馬七千疋牛羊萬頭北單于震怖却地千里初帝造戰車可駕數牛上作樓櫓置於塞

上以拒匈奴時人見者或相謂曰讖言漢九世當却北狄地千里豈謂此耶及是果拓地焉北部與鞬骨都侯與右骨都侯率衆三萬餘人來歸南單于二十五年鮮卑都護偏何等詣遼東太守祭彤求自効功因令擊北匈奴左伊育訾部斬首二千餘級明帝永平元年鮮卑都護偏何擊破赤山斬其魁帥持首級詣遼東受賞賜

五年北匈奴六七千騎入于五原塞遂寇雲中至原陽南單于擊却之西河長史馬襄赴救虜乃引去十六年大發緣邊兵遣諸將四道出塞征北匈奴南

單于遣左賢王信隨大僕祭彤及吳棠出朔方高闕攻臯林温禹犢王於涿邪山虜聞漢兵來悉渡漠去彤棠坐不至涿邪山免

章帝建初元年臯林温禹犢王復將衆還居涿邪山南單于聞知遣輕騎與緣邊郡及烏桓兵出塞擊之斬首數百級降者三四千人是年哀牢王類牢反叛帝募發越嶲益州永昌夷漢九千人討之明年春邪龍孫昆明夷鹵承等應募率種人與諸郡兵擊類牢於博南大破斬之傳首雒陽鹵承帛萬匹封馬虜傍邑侯

和帝永元元年以征西將軍耿秉與車騎將軍竇憲率騎八千與度遼兵及南單于衆三萬騎出朔方擊北虜大破之北單于奔走首虜二十餘萬人

二年南單于復上求減北庭遣行中郎將班固報命南單于於是遣左谷蠡王獅子等將左右部八千騎出雞鹿塞中郎將耿譚遣從事將護之至涿邪山乃留輜重分爲二部可各引輕兵兩道襲之左部北過西海至河雲北右部從匈奴河水西統天山南度甘徵河二軍俱會夜圍北單于大驚率精兵千餘人合戰單于被創墜馬復上將輕騎數十遁走僅而免脫得

其玉璽獲闕氏及男女五人斬首八十級生虜數千口而還

鮮卑大都護較尉廆帥部衆從烏丸較尉任嘗擊叛者封較尉爲率衆王

安帝元初元年秋西羌號多興諸種鈔掠武都漢中巴郡板楯蠻將兵救之漢中五官掾程信率壯士與蠻共擊破之號多退走遷斷隴道與零昌通謀護羌較尉侯霸騎都尉馬賢將湟中吏人及降羌胡抱罕擊之

三年夏度遼將軍鄧遵率南單于及左鹿蠡王湏沈

萬騎擊零昌於靈州斬首八百餘級封湏沈爲破虜侯

六年秋鮮卑入馬城塞殺長吏度遼將軍法積射士三千人及中郎將馬續率南單于與遼西右北平兵馬會出塞追擊大破之

元光元年十二月高句驪馬韓穢貊圍玄菟城扶餘王遣子與州郡并力討之

是年鮮卑寇邊度遼將軍耿夔與溫犢三呼尤徵將新降者出塞討擊

延光元年二月扶餘王遣子將兵救玄菟擊高句驪

馬韓穢貊破之遂遣使貢獻

順帝永建元年西域長史班勇率車師後王農奇子加特奴及八滑等發精兵擊北虜呼衍王破之勇於是上立加特奴爲後王八滑爲後部親漢侯

是年秋鮮卑其至韃寇代郡明年春中郎將張國遣從事將南單于兵步騎萬餘人出塞擊破之時遼東鮮卑六千餘騎亦寇遼東玄菟烏桓較尉耿曄發緣邊諸郡兵及烏桓率衆王出塞擊破之

六年烏桓較尉耿曄遣司馬將胡兵數千人出塞擊鮮卑破之冬漁陽太守又遣烏桓兵擊之烏桓豪人

扶漵官勇健每與鮮卑戰輒陷敵詔賜號率衆君
陽嘉元年燉煌太守徐繇遣疏勒王臣槃發三萬人
擊于闐破之

是年冬烏桓較尉耿曄遣烏桓親漢都尉戎末鹿率
衆王侯咄歸等出塞抄擊鮮卑大斬獲而還賜咄歸
等已下爲率衆王侯長賜綵繒各有差鮮卑後寇遼
東屬國於是耿曄乃移屯遼東無慮城拒之

二年春匈奴中郎將趙稠遣從事將南匈奴骨都侯
夫沈等出塞擊鮮卑破之斬獲甚衆詔賜夫沈金印
紫綬及縑絲各有差

三年夏車師從部司馬率加特奴等千五百人掩擊
北匈奴於閼吾陸谷壞其廬落斬數百級獲單于母
季母及婦女數百人牛羊十餘萬頭車千餘兩兵器
什物甚衆

四年春北匈奴呼衍王率兵侵車師後部詔令燉煌
太守發諸國兵及玉門關侯伊吾司馬合六千三百
騎救之

永和三年冬燒當種那離等叛護羌較尉馬賢將湟
中義從兵及羌胡萬餘騎掩擊斬之

五年夏南單于左部句龍王吾斯車紐等皆叛度遼

將軍馬續與中郎將梁並烏桓較尉王元發緣邊兵及烏桓鮮卑羌胡合二萬餘掩擊破之

桓帝建和二年白馬羌寇廣漢屬國益州刺史率板楯蠻討破之斬首招降二十萬人

延熹元年鮮卑寇邊冬使匈奴中郎將張奐率南單于出塞擊之

靈帝建寧二年涼州刺史孟佗遣從事任涉將燉煌兵五百人與戊巳司馬曹寬西域長史張晏將焉耆龜茲車師前後部合三萬餘人討疏勒攻積中城四十餘日不能下乃引去

是年高句麗伯固遣大加優居士簿然人等助玄菟太守公孫度擊富山賊討之

熹平五年諸夷反叛以太尉掾巴郡李暉為益州刺史龐芝發板楯蠻擊破平之

六年南匈奴與中郎將臧旻出雁門擊鮮卑檀石槐大敗而還

獻帝建安十六年七月曹公西征關中田銀反河間鮮卑軻比能將三千餘騎隨烏丸較尉闡柔擊破銀魏明帝景初三年太尉司馬宣王與高句麗位官率眾討公孫淵宮遣主簿大加將數千人助軍

齊王正始七年幽州刺史毋丘儉討句麗遣玄菟太守王頌諸扶餘位居遣大加郊迎供軍糧

晉惠帝時鮮卑大人務勿塵遣軍助東海王越征討有功王俊表為親晉王封遼西公嫁女與務勿塵以結隣援

懷帝卽位以鮮卑大人務勿塵為大單于率衆助國征討

宋明帝初卽位四方反叛西陽蠻田益之田義之成邪助田光興等起義攻郢州克之以益之為輔國將軍都統四山軍事

後魏大武太平真君九年六月悅般國遣使求與王師俱討蠕蠕帝許之

九月遣成周公萬度歸討馱耆詔伊吾王唐契弟和與伊落率所領起起度歸和奉詔會度歸喻下柳驢以東六城因共擊破居羅城拔之後同征龜茲度歸令和鎮馱耆時柳驢戍主乙真伽率諸胡將據城而叛和領輕騎一百匹入其城擒乙真伽斬之繇是諸胡歛附西域尅平和有力也

隋煬帝卽位初鐵勒犯邊將軍馮孝慈戰不利鐵勒遣使謝罪請降帝遣黃門侍郎裴矩慰撫之諷令擊

吐谷渾鐵勒許諾卽勒兵襲吐谷渾大敗之

大業八年征遼誅靺鞨國渠師度地稽率其徒以從
每有戰功賞賜厚

唐高祖初舉義兵遣晉陽令劉文静使於突厥始畢
可汗今率兵相應帝至龍門始畢可汗遣特勒康稍
利等率兵五百馬二千匹會于麾下又遣二千騎助
軍從平涼城

武德三年太宗在藩受詔討劉武周次太原突厥可
汗處羅遣其弟步利設率千騎與官軍會

四年巴東蠻帥冉安昌率兵與大軍平蕭銑安昌者

盤匏之苗裔代爲蠻師

太宗貞觀十三年薛延陀遣使上言高昌雖貌事至
尊而讎覆不實擅發兵與欲谷設擊天子所立之國
奴受國厚恩嘗思報効乞發所部爲官軍前驅以討
之帝嘉其誠節遣戶部尚書唐儉右領軍大將軍執
失思力齋縉帛以賜之

二十一年遣左驍衛大將軍阿史那社爾爲崑山道
行軍大總管與安西都護郭孝恪司農卿楊弘禮率
五將又發鐵勒十三部兵十餘萬騎以伐龜茲

二十二年四月西突厥賀魯以王師問罪龜茲固請

請前驅願為鄉導仍以數十騎馳來謁帝詔授以崑丘道行軍總管宴之於嘉壽殿及文武三品畢景甚歡錫賀魯綾絲仍解所服之衣以賜之

五月右衛率府長史王玄策擊帝那伏國大破之初玄策使天竺國會中天竺國王死國大亂那伏帝王阿那順自立發胡兵以拒玄策玄策宵遁抵于吐蕃之西界以書徵隣國之兵吐蕃發精銳一千二百人泥婆羅固發七千餘騎與玄策擊阿那順大破之吐蕃尋遣使來獻捷

又王玄策往西域為中天竺所劫章求故國王發兵赴之破賊有功

六月薛延陀餘眾二萬人侵瀚海金微幽陵三郡發

燕副都元禮臣率九姓鐵勒捕之

薛延陀西遷之眾共推故真珠毗伽

可斥男子摩女為伊持勿失可汗請居鬱督軍山之北鐵勒素服薛延陀之眾及吐摩支之至也九姓渠帥莫不危懼朝議恐為積北之患令英國公李勣進加討擊率九姓鐵勒二萬騎至天山吐摩支見官軍至惶駭詣詔使蕭嗣業請降

七月西突厥國相屈利啜請率所部從討龜茲

是年迴紇菩薩遣使入貢以破薛延陀功賜宴內殿先是擒降突厥頡利等可汗之後北虜唯迴紇薛延陀為盛帝冊西突厥莫賀咄為可汗遣統迴紇僕骨同羅思結阿跌等部至是迴紇酋師吐述度與諸部大破薛延陀多彌可汗

可汗之地進寇庭州迴紇婆閏等諸部屬請討之帝前後遣梁建方契苾何力程知節等率兵遣討皆不而還帝乃擢蘇定方爲大總管領迴紇等兵與阿史那彌射步真等分出西州金山兩道以經畧之定方至金山之北其俟斤獺獨祿率萬餘帳來降定方發其千騎進至曳咥河之西賀魯率十姓兵馬且十萬來拒戰定方領迴紇及漢兵萬餘人迎擊賊輕定方兵少四面圍之定方令步卒據其原攢稍外伺自領漢騎陳於北原賊先擊步軍三衝不動定方乘勝擊

之賊遂大潰追奔三十里斬獲數萬人明日總兵復追賀魯之衆五弩矢畢部落相次來降五咄六部落聞賀魯敗各向南道降于步真所至蕃人皆相率歸降曰我舊主也定方至雙河與彌射步真相會兩軍合勢去賀魯所居三百里布陣長驅徑至金牙山賀魯牙所時賀魯集諸衆欲獵定方與彌射縱兵擊之盡破其牙帳生擒數萬人并獲其鼓纛器械賀魯遂與咥運及其女夫閻啜等脫走投石國

顯慶元年西突厥賀魯犯邊詔程知節蘇定方等領兵并迴紇大破賀魯于陰山再破于牙山

則天萬歲通天元年契丹首領李盡忠孫萬榮反叛攻陷榮府突厥點啜遣使上言請還河西降戶卽率部落兵馬爲國家討賊擊契丹制許之默啜遂攻討契丹部衆大潰盡獲其家口

玄宗開元四年七月突厥可汗默啜背恩爲九姓杖曳圖所殺斬其首送至京師

六年契丹婆固爲其臣可突于所攻奔營州都督許欽澹令薛泰帥驍健五百人徵奚王李大酺及婆固合衆以討可突于官軍不利婆固大酺臨陣被殺八年南天竺國王尸利那羅曾知象及兵馬

討大食及吐蕃等仍求有以名其軍帝甚嘉之名軍爲懷德軍

是年冬朔方大總管王峻奏請西徵拔悉密東發契丹兩蕃期以明年秋初數道俱入掩突厥牙帳於稽落河上

九年秋拔悉密果臨突厥牙帳而王峻及兩蕃不至悉密懼而引去

二十二年二月新羅王興光從弟左領軍衛員外將軍忠信上表曰臣所奉進止令臣執節本國發兵馬討除鞞鞞有事續奏者臣自奉聖旨誓將致命當此

之時為替人金孝方身亡便留臣宿衛臣本國王以
臣久待天庭遣從姪至廉代臣今已到訖臣即合還
每思前所奉進旨無忘夙夜陛下先有制加本國王
興光寧海軍大使錫之旌節以討凶殘皇威載臨雖
遠猶近君則有命臣敢不祇蠢爾夷俘計以悔禍然
除惡務本布憲惟新故出師義貴乎三申縱敵患貽
於數代伏望陛下因臣還國以副使假臣盡將天旨
再宣殊裔豈惟斯怒益振固亦武夫作氣必傾其巢
穴靜此荒隅遂夷臣之小誠為國家之大利臣等復
乘桴滄海獻捷舟圍效毛髮之功答雨露之施臣所

室也伏惟陛下圖之帝許焉

天寶三載吐蕃悉密國伐突厥烏蘇未施可汗斬之傳
首闕下

十三載閏十一月東曹國王設阿及安國副王野解
及諸胡九國王並遣上表請同心擊黑衣辭甚切至
帝方務以懷柔皆勞賜慰喻遣之以安西域

肅宗至德元年八月帝在靈武回紇首領吐蕃酋長
相繼而至並請和親兼之討賊

時安祿山
陷西京也

十一月迴紇自北投朔方節度郭子儀與迴紇破回
羅賊三千人於河上盡收其器械馳馬輜重旗幟等

是年于闐國王尉遲勝聞祿山反勝乃令弟擢行國
事自率兵五千赴難國人遮留勝以少女爲質而後
行帝待之甚厚授特進兼殿中監

二年二月帝在鳳翔吐蕃遣使來朝請助討賊引見
之賜以束帛器物有差

九月廻紇葉護太子領兵四千餘衆助討逆賊廻紇
葉護太子入見帝親宴慰賜以金帛器物恣其所欲
待之甚厚元帥廣平王領朔安安西廻紇大食之兵
十五萬將收西京王旣見廻紇王子葉護約爲兄弟
接之頗有恩信葉護大喜是月戊子廻紇大首領達

干等一十三人從葉護至扶風見郭儀留之設宴

三日葉護太子曰國家有難遠來相助何暇食爲子

儀因留之宴畢便發庚子蕃漢大軍齊進壬寅元帥

廣平王分廻紇銳卒剪其理軍賊知伏師敗氣索廻

紇又取大營之背與北庭行營節度李嗣業合勢表

裏夾戰自午及酉斬首六萬級填溝澗而死者十二

三賊軍大潰餘軍入城中蹶聲夜不止癸卯元帥廣

平王整軍容入長安中軍兵馬使僕固懷恩領廻紇

及南蠻大食等軍從城南過澧水東下營十月壬戌

遂收復東京

十一月廻紇葉護自東京至勅百官於長樂驛迎之
帝御宣政殿宴設葉護升殿其餘酋長列於階下賜
綿綉繒絲金器銀物甚衆葉護辭歸帝謂曰為國家
成大事何遽去耶葉護奏曰廻紇士卒為陛下更收
范陽為馬少不足以討除餘孽請歸取馬帝許之

乾元元年六月廻紇遣宰相帝德領驍將三千人助
國討逆賊

七月吐火羅葉護烏那多并九國首領來朝請助國
討賊帝令赴朔方行營

二年二月廻紇骨啜特勒等率眾從郭子儀與九節

度於相州城下戰不利三月壬子廻紇王子骨啜特
勒及宰相等十五人自相州奔于西京帝宴之于紫
宸殿庚寅辭還行營

代宗寶曆元年九月廻紇可汗舉國兵馬至太原遣
使奉表請助王師討平殘寇

十月壬戌詔元帥雍王為諸軍先鋒會諸道節度使
于陝州率廻紇軍齊進壬申次于雒陽之北郊逆賊
史朝義潛使反間廻紇左殺執其使以獻甲戌雍王
整隊伍為先鋒僕固懷恩等率廻紇等繼進大敗賊
于橫水朝義東奔汴州東都平時廻紇至東京肆行

殘忍傷死者萬計代宗以外蕃功高特容之以廻紇
達斡嬌子骨祿俟斤襲父特進崇義王留宿衛孫闕
達于爲員外羽林將軍放還蕃

永泰元年九月叛臣僕固懷恩誘吐蕃數十萬人寇
大掠京畿而去十月至邠州與廻紇相遇復合從入
寇河中節度郭子儀因說廻紇曰吐蕃本吾舅甥國
無負而至是無親也若倒戈乘之如拾芥耳且其羊
馬蔽地數百里是謂天賜不可失也今能逐戎以利
舉與我繼好而凱旋不亦善乎會懷恩報死于靈州
羣虜無所統途許諾吐蕃知之其夕奔退廻紇逐之

子儀分衆軍以接其後吐蕃大敗而廻紇逐之至靈
臺再破之告捷於子儀使歸諸朝獲牛羊馬數十萬
收其所掠士女四千人

大曆二年九月吐蕃寇靈州十月党項首領來朝請
助國供靈州軍糧

十二年吐蕃寇黎雅兩州劔南西川節度使大破之
會南蠻閣羅鳳來援于望漢城生擒吐蕃大寵官論
噐然獻于闕下

德宗興元元年二月帝在山南時朱泚盜據宮殿詔
以右散騎嘗侍無御史大夫于頔往涇州已來宣慰

吐蕃侵與州府計會頓遁時吐蕃款塞請以兵助平國難故遣使焉

四月渾瑊與吐蕃論莽羅之衆大破朱泚將韓旻張庭芝宋歸朝等於武功之武亭川斬首萬餘級

貞元五年十月劍南節度使韋臯遣將王有道等與東蠻西林苴那時勿鄧夢衡等率兵於故雋州臺登北谷大破吐蕃青城臘城二節度

八年正月吐蕃與迴鶻戰敗徵兵於南詔蠻王異牟牟時牟尋爲西川節度使韋臯所招撫已定計歸順欲因徵兵以襲之遣兵五千人往戍又自將數萬踵

其後晝夜兼行乘其無備大破吐蕃於神州鐵橋遣使告捷且使臯使閱其所虜獲及城堡以取信焉臯上言牟尋收鐵橋已來城堡一十六擒其王五人降其衆一萬餘

穆宗長慶二年豐州上言前助太原討鎮州迴紇李義節等三千人去三月二十三日歸蕃訖先是裴度招討幽鎮之亂迴鶻請以兵從度討伐朝議大以爲不可遂命中人止迴鶻令歸會其已至豐州北界發繒帛七萬匹賜之方還

懿宗咸通七年十月沙州張義潮奏差迴鶻首領僕

固俊與吐蕃大將尚志熱交戰大敗蕃寇斬尚志熱
傳首京師

晉高祖天福二年十一月詔賜北朝曷魯相公聶相
公幽州趙思溫繒帛器皿以前屯瀛州援王師討魏
故也

